

## SALOUF

**«Igl è i sco da sez»**

La Festa da musica districtuala a Salouf è passé. Guardond enavos constatescha *Corsin Demarmels*, il president dal comité d'organisazion, ch'i saja stà in success: «Igl è stà bell'aura, la gieud ha gi plaschairs e tui ha funcziùn sco planis – danor pitschnas piculezzas ch'ins po emblidar.» Quant intensiva che la lavour è stata, quan sentia el dentant anc adina ed el sajai bain anc in pau stanchels, ma: «Igl è i sco da sez sonda la damaun, cura che la festa ha cumenà.»

Quanta gieud ch'ha visità e participà a la Festa da musica, quai ha *Corsin Demarmels* dentant be pudi stimar. Ins n'haja betg dumbrà la gieud, ma la tenda gronda saja stada bain plaina: «En quella era plaza per radund 1000 persunas. Damai stimsass jau ch'igl è stà tut in tut tranter 1000 e 1200 persunas.» Ed era la saira sajan blers anc restads per far festa, di il president dal comité d'organisazion. Fatg plaschairs haja plinavant er insatge auter, uschia *Corsin Demarmels* envers la FMR: «Questa festa ha puspe mussà che la populaziun da la regiun sostegna talas occurrenzas.» (fmr/vit)



Var 1000 fin 1200 persunas han visità la festa da musica districtuala a Salouf la sonda passada.

FOTO DOMINIC POHLE/RTK



En il decurs de l'onn vulan ils responsabels preschentiar ina buna «pirla» per sanar il Center da Sanadad Savognin.

FOTO: GION NUTEGN SIGIER

## A la tschertga da la dretga pirla

Glindesdi saira a la radunanza communal da Surses a Salouf ha *Luzi Thomann* infurmà davart ils proxims pass per sanar il Center da Sanadad Savognin. Il plan saja d'elavurar durant la stad duas traïs variantas cun calculaziuns da custs e da votar anc l'atun davart la «pirla» adattada per il Center da Sanadad, uschia il nov president dal cusseg d'administraziun.

TONI VINZENS/FMR

Che la situaziun dal Center da Sanadad Savognin è precara, quai n'ha *Luzi Thomann* betg pli repeti glindesdi saira a la radunanza communal da Surses a Salouf (guarda box). Il nov president dal cusseg d'administraziun ha dentant prendi la chaschun per rapportar da las midadas fatgas e planisadas e per dar in guardià la via enchaminate vers in «Center da Sanadad pinà per l'avegnir». La finamira saja da votar anc quest onn davart la «pirla» adattada.

**Da nov in CEO**

In emprim pass hajan ins entant già fatg, numnamadain cun la elezion da quatter novi members per il cusseg d'administraziun: spez *Luzi Thomann* sez sco president en quai *Patric Vincenz* sco vicepresident e delegà dal Cumün da Surses, *Fabio Luzio* e *Lea Morigg*. Els èn dapi l'emma passada en uffizi ensemne cun *Fabio Luzio*, il suler commember restant dal «vegl» cusseg d'administraziun.

Da nov n'è più negin suprastant communal en il cusseg d'administraziun dal Center da Sanadad. Enfin uss ha *Daniel Wasescha* gi questa

funcziun dubla. Quai na saja dentant betg stà ideal, sco ch'il president communal ha ditg envers la FMR: «Igl è sco da purtar dus chapels. Per l'ona ston ins preschentiar ils interess da la vischnanca e per l'autra quals da la firma. Cunzunt en ins fasa critica, cura ch'i va per raps, chaschuna quai conflicts d'infurmaziun.» Cun il delegà dal Cumün da Surses Patrik Vincenz sterten ins dentant en streng contact.

Mitudas personales – u en quest cas plitos plistruturas – ha *Luzi Thomann* plinavant er annunzià in la direzioni dal Center da Sanadad. A partir dal 1. da fanadur vegia nummadain *Stefan Schumacher* a surpigliar la funcziun sco CEO. El è actualmain en la direzioni e responsabel per las finanzas. Sco che *Luzi Thomann* ha expligà, vegnia *Sandra Luzio* ad esser sia suppleanta. La nova direzioni vegnia plinavant completatda als scheffmedis *Stefano Corra* e *Luwina Johanna Eichweber-Lammers*. Proximamain stoppiant ins dentant anc surlavur l'urden da fachschenta.

**Ils proxims pass decisivs**

Il plan da lavour sco preschentà da *Luzi Thomann* prevesa plinavant sco proxim pass l'elav-

uraziun da duas traïs variantas per il futur Center da Sanadad. Ins veglia metter ensemble las cifras da basa ed integrar il personal en quest process per pudair preschentiar in emprim resultat l'entschatta d'atun, uschia *Luzi Thomann*: «Nus organisain alura in'occurrence publics per integrar e laschar partcipar la populaziun.» Silsunter vegnia alura era la grupp'a d'interess a decidir, co ch'i va vienavant cun l'iniziativa inoltrada l'atun passà per garantir il procediment dal Center da Sanadad. E la finala, quai vul dir en il decurs de l'atun 2025, vegnia votà, scèche la varianta elaborada – pia la «pirla» per il Center da Sanadad – sco e ils custs annuals colliads a quella en acceptabels u betg.

Sco che *Luzi Thomann* ha accentuat, stoppiant ins dentant era lavurav vi da las «piculezzas» che pon far una gronda differenza: «La finalamia è ch'il Center da Sanadad fetschja surstar la gieud. Sa fundond sin noss grondius personal, sin auts standards e sin lis pitschens extras en el contact cun la gieud vulain nus satisfar lis clients. Els duan vegnir tar nus, perquai che nus persvadain e betg perquai ch'els ston.»

## «Bleras folias cun bleras cifras»

La radunanza communal da Surses dal 16 da zercladur 2025 n'ha betg carmalà blera gieud a Salouf. La finala han be 48 persunas cun dretg da vuscar chattà la vía en la sala polivalenta – «in dumber survesaivel», sco quai ch'il president communal *Daniel Wasescha* ha constatà. A la radunanza communal da Surses dal 7 d'avrigl 2025 a Savognin avevan am partcipà 212 persunas cun dretg da vuscar. Alura ha la populaziun dentant stuiti prender impurtantas decisions – sco quella davart il sustegn finanziar per il Center da Sanadad. Questa giada a Salouf spetgava percuter be ina tractanda da votar, nummadain l'approvaziun dal rendaquinnt 2024. Ultra da quai e las infurmaziuns davart il Center da Sanadad ha *Daniel Wasescha* era preschentà ils rendaquinnts dales projects d'investiziun da l'onn 2024 – ubain «bleras folias cun bleras cifras», sco ch'el ha ditg cun in tschegn d'egl.

**In onn legräivel**

Schegea che la radunanza communal n'è betg stada usch' bain frequentada sco quella da l'avrigl 2025, ha ella persuerter pudi preschentiar cifras pli legräivel. Enstagl dal deficit dal Center da Sanadad è nummadain il surpli da la vischnanca stà en il focus. La finala ha il Cumün da Surses nummadain concludi l'onn 2024 cun ugudon da radund 1,7 millions francs. Finanziar main è l'onn 2024 pia stà legräivel e la vischnanca



La radunanza communal da glindesdi saira ha il president *Daniel Wasescha* preschentà «bleras folias cun bleras cifras».

FOTO: TONI VINZENS

ha ina bona basa finanziara, uschia *Daniel Fitzzi* che ha preschentà il rendaquinnt. Il manader da finanzas tar il Cumün da Surses ha dentant era punctuà che la vischnanca haja er in l'avegniv e basengs da liquidatids: «La vischnanca sto era vinavant investir blers dares en l'infrastrutura.»

Perquai no possian ins era berg concluder ch'il Cumün da Surses haja simplamain reservas per il Center da Sanadad, sco che *Daniel Wasescha* ha expligà envers la FMR: «Igl è

bain uschia ch'il Center da Sanadad sa chatra ina situaziun finanziar main precara, entant che la vischnanca ha puspe fatg en surpli. Ma sco dig stuan nus er investir en l'infrastrutura ed il svilup turistic per restar a lunga vista ina destinaziun e regiun attractiva. Cler è dentant che la populaziun decidea la finala, tge ch'ella vul.» E quella, ubain la radunanza communal, ha dal reminent approvà il rendaquinnt 2024 unanimamain cun 48 vuschs. (fmr/vit)